



## Sistema Atensaun no Responde Sedu (AtRes) ALERTA

---

Debate iha Televizaun entre Primeiru Ministru Kay Rala Xanana Gusmão  
no Sr. Mauk Moruk

---

Distritu Dili  
Novembru 2013  
Tuku 2 lokraik

Asuntu: Husi fulan Outubru to'o Novembru 2013 media jornal oi-oin fo sai statementu balun husi Sr. Mauk Moruk, hanesan mos membru ida husi Veteranus de Rezistencia ne'ebé ema barak hatene (Jornal Diario, 28 Outubru 2013).

Sr. Moruk nia statementu balun kritika política governu no Primeiru Ministru tamba to'o agora, tuir ni-nia hanoin, seidak hadia kondisoens sosial no ekonomiku ba maioria populasaun Timor-Leste.

Iha 8 Novembru 2013, Primeiru Ministru Gusmão konvida Sr. Moruk hodi bele partisipa iha dialogu ida hodi halo diskusaun konaba sira-nia diferenzia opiniaun no estratejia ba dezvoltamentu (Timor Post, 8 Novembru 2013).

Dialogu ida ne'e hetan planu hodi bele implementa iha tuku rua lokraik iha dia 11 Novembru 2013 iha Sentru Konvensaun Merkadu Lama iha Dili.

Primeiru Ministru Gusmão konvida Membru Parlamentu, Sosiedade Sivil no sidadaun Timorenses liuhusi media hodi bele akompanha dialogu iha Markadu Lama no fo korajem ba ema ne'ebé la mai iha eventu fatin hodi bele akompanha iha televizaun ka radio. Maske nune'e, nia konvida ema ne'ebé nonton husi uma hodi hela metin iha uma laran ho ulun malirin hodi lao ho kuidadu no evita possibilidade ba tensaun atu mosu iha fatin publiku (Timor Post, 11 Novembru 2013).

Primeiru Ministru Gusmão dehan mos katak, se karik dialogu la lao ohin loron, nia sei utiliza oportunidade hodi bele refleita ba istoria de rezistencia nomos importansia ba kontribuisaun joventude ba prosesu luta ba independensia tamba aban marka loron bo'ot ba Juventude iha aniversairu loron Santa Cruz iha dia 12 Novembru.

## Rekomendasaun:

### Prime Minister Gusmão no Sr. Mauk Moruk:

- Evita uja lian provokativu ne'ebé iha possibilidade atu aumenta diferensia política.
- Hadoop aan husi linguajem ne'ebé bele ataka pesoalmente ba malu durante debate laran, maibé foka ba asuntu ba dezenvolve política konaba oin sa hadia kondisoens sosial no ekonomiku iha Timor-Leste.

### Instituisaun no autor ba Seguransa:

- Kontinua implementa ita nia dever sivika hodi fo protesauun ba populasaun ho maneira neutral no non-partisan.

### TVTL no Radio sira:

- Utiliza komentariu ne'ebé responsavel durante fo sai debate hodi bele hamenus tensaun ka impaktu husi linguajem provokativu ne'ebé bele mobiliza diferensia politika ruma.

### Jornal no Media seluk:

- Fo sai reportajem ne'ebé responsavel kona-ba debate ne'e no la bele publika infomasaun ne'ebé provokativu ka infomasaun ne'ebé bele mosu tensaun ka konfuzauun.

### Sidadaun sira:

- Fo korajem ba kolega sira no involve-aan iha debate konstrutivu konaba política sosial no ekonomia no dalan hodi bele hametin no reforma política sira ne'e hodi bele hadia kondisaun moris iha Timor-Leste.
- Evita uja linguajem provokativu ne'ebé bele aumentau diferensia política iha komunidadade nia leet.

### *Informasaun liu tan ho perguntas no klarifikasaun, favor bele kontaktu*

- Sra. Marilia Oliveira da Costa, [bylah.belun@gmail.com](mailto:bylah.belun@gmail.com) (7727 6671)
- Sr. Pedro de Araujo, [pedroa.belun@gmail.com](mailto:pedroa.belun@gmail.com) (7700 1421)
- Ms. Sarah Dewhurst, [sarah.belun@gmail.com](mailto:sarah.belun@gmail.com) (7742 8371)